


行素州堂金石叢書

古104  
899  
部 = 12



顧氏求  
古錄



光緒戊子槐廬校刊  
上海掃葉山房藏版

予自少時卽好訪求古人金石之文而猶不甚解及讀歐陽公集古錄乃知其事多與史書相證明可以補闕正譌不但詞翰之工而已比二十年閒周遊天下所至名山巨鎮祠廟伽藍之蹟無不搜尋登危峯探窈壑捫落石履荒榛伐磧垣畚朽壤其可讀者必手自鈔錄得一文爲前人所未見者輒喜而不寐念古人遺刻且日遠日湮後之人未必如予卽如予而數十百年之後又當磨滅幾許又歐陽趙氏二錄僅有其目而不著其文良以卷帙浩繁難於盡載而好古之君子不無遺憾乃取篋中所得重爲刪正去其大半擇可傳者錄之以遺諸後人其高文大篇已見於方志者不錄碑刻之摹拓

而傳於世者不錄近代詞人之作多有文集者不錄在乎闡幽表微備史乘之遺存前古之制然以布衣之賤出無僕馬往往懷豪舐墨躑躅於山林猿鳥之間而北方之人鮮能識字其或限於聞見窘於日力而山高水深爲登涉之所不及者卽所至之地亦豈無挂漏又望後人之同此好者繼我而錄之也東吳顧炎武

求古錄

槐廬叢書

崑山顧炎武撰

吳縣朱記榮校刊

唐景雲二年敕

景雲二年六月二十三日皇帝敬憑太清觀道士楊太

希於名山所燒香供養惟靈蘊秘凝真含幽綜妙類高

旻之亭育同厚載之陶鈞蓄洩煙雲蔽虧日月五枝標

秀入桂流芳翠嶺萬尋青溪千刃

古刃兩字通用魏橫海將軍呂軍碑刃

刃字作

蚺裳戾止恒爲碧落之庭鶴駕來遊卽是玉京之

域百祥覃於遠邇五福被於黎元往帝所以馳心前王

由其載想朕恭膺寶位嗣守昌圖恐百姓之不甯慮又

方之未泰式陳香薦用表深衷實冀明靈降茲休處所

願從今以後浹寓常安朕躬男女六媼永保如山之壽  
國朝官寮萬姓同符擊壤之歡魚鳥遂性於飛沉夸狄  
歸心於邊徼實希靈鑒用副翹誠今因鍊師遣此不悉  
右唐岱嶽觀碑文之一泰山之東南麓王母池有唐  
岱嶽觀今存茆屋三楹土人稱爲老君堂其前有碑  
二高八尺許上施石蓋合而束之其字每面作四五  
層每層文一首或二首皆唐時建醮造像之記周環  
讀之得顯慶六年一首儀鳳三年一首天授二年一  
首萬歲通天二年一首聖歷元年一首久視二年一  
首長安元年一首四年二首神龍元年一首景龍元  
年一首三年一首景雲二年二首開元八年一首大

歷七年一首建中元年一首其空處又有唐代人題  
名書法不一東側面有詩一首其下題名西側書題  
名亦有詩一首中二側面皆無字唐碑存于泰山者  
唯此及元宗泰山銘蘇頌東封朝覲頌二文皆磨厓  
刻于山上而此碑在山下以小而雙束故不仆書非  
名筆故摹拓者少而獨完至今因歎唐時六帝一后  
修齋建醮凡二十許共此二碑亦異乎近代之每歲  
一碑以勞人而災石者矣但不知趙德甫金石錄何  
以不收恐古人碑記失傳者正多耳碑下爲積土所  
壅余來遊數四最後募人發地二尺下而觀之乃得  
其全文而此敕文辭藻斐然固予之所亟錄而傳者

也其記及詩及題各載其一

景龍三年記

大唐景龍三年歲次己酉三月戊午朔十九日景子奉  
敕令虢州龍興觀主杜太素蒲州丹崖觀監齋呂皓仙  
京景龍觀大德曹正一等三人於此泰山岱嶽觀建金  
錄大齋報賽全恩追濟兗等州大德四十九人七日七  
夜轉經行道設河圖大醮更祈後福以申告請七日之  
之中遂呈四瑞白鶴騰輝拂霞莊而矯色黃雲覆彩映  
巖穴以通光絲雨飛禎家示九年之蓄鳥曦抱戴壽延  
千載之君紀時日於青郊勒奇工於翠琰夾紵像一鋪  
十一事二聖本命鎮彩修造

右唐岱嶽觀碑文之一唐諱丙改丙爲景二聖中宗  
及韋后也

博城縣令詩

早春陪敕使麻先生祭岳 守博城縣令馬□□ 我  
皇盛文物道化天塋先鞭撻走神鬼玉帛禮山川忽下  
元州使來游紫洞前青羊得處所白鶴□時年度懇飛  
龍記昭彰化鳥篇□風半山水□氣總雲煙光抱昇中  
②霞明五色丙山橫翠微外室在綠潭邊緹幕灰墜屐  
焚林火欲然華光著草樹春色換山泉伊水來何②嵩  
巖去幾千山疑小丙下至是會神仙葉令乘鳧入浮邱  
駕鶴旋麻始幾季歲三見海成田

右在岱嶽觀碑東側面其文剝蝕不全久視二年記所稱神都青元觀主麻慈力卽其人也武后遣之至觀修醮神都卽東都故有伊水嵩巖之句

又按碑凡大周年者天作天地作壑人作至壘作年作季月作㊦匝日作㊧授作稭初作壘唯𠂔字無考疑是應字凡數字作壹貳叁肆捌玖等字皆武后所改及自制字其壘歷年記有云設金籙寶齋河圖大醮黍㊨黍古七字太元經元攤曰運諸黍政立梘曰梘擬之二黍方言曰吳有黍娥之臺是也後人不知妄于左旁添鑿三點淺而大又稍偏知非一筆唐碑書七字亦有作漆者後又省筆作柒冊府元龜載唐

元宗先天二年三月癸巳詔制勅表狀書奏牋牒年月等數作一十二三十三四十字是知前此皆借壹貳等字矣不知其始於何年也

### 王圓題名

淄州刺史王圓山人王昌字大歷十四年二月二十七日同登泰嶽時真君道士卜皓然萬歲道士郭紫微各攜茶藥相候於迴馬嶺同口於王母池登臨之興無所不至

右唐岱嶽觀碑題名之一此碑有開元十九年二十年建中元年貞元十四年題名都督兗州諸軍事任要行博城縣丞公孫杲二詩俱不工不錄此碑前文

從右方起後詩并題名或從右方起或從左方起每層高下多寡參錯不一以文意筆法求之乃可辨其起訖凡唐人紀遊題名皆就舊碑之陰及兩旁書之前人已題後人卽於空處插入大小高下俱無定準宋初亦然自大中祥符以後題名者乃別求一石刻書字體始得舒縱亦不與舊文相亂然石小易於搬取故題名愈多而存者愈少今之溝渠碾磨之間皆是物矣此碑面西側又有宋政和甲午題名一條

又按茶薺之茶與茶苦之茶本是一字古時未分麻韻茶薺字亦只讀爲徒東漢以下乃音宅加反而加字音居何反猶在歌戈韻梁以下始有今音又妄減一畫爲茶字此碑兩見茶字皆從艸從余可見唐時字體尙未變爾雅檟苦茶廣韻九麻中有茶字又有茶字註口俗是也

又任要題名曰貞元十四年正月十一日立春祭嶽遂登大平頂宿其年十二月二十一日立春再來致祭茶宴於茲曰茶宴者蓋唐時祭畢猶不用酒今不然矣

### 宋董元康題名

長清董元康權宰奉高挈家游瑤池館觀元功弟題字愴然久之政和四年七月二十一日質贄侍行

右小石刻在岱嶽觀予旣錄唐碑往還數四道士謂

予曰昨發地得石刻二請觀之其文亦可采因附焉  
下題因此

盛勛題名

政和戊戌仲夏二十九日奉旨決獄恭謁祠下飭此轉  
運判官盛勛公達題男志修侍行

右小石刻在岱嶽觀戊戌乃政和八年其年十一月  
己酉朔改元重和曰決獄者讞而決之古無仲夏斬  
決之事也

宋真宗廣生帝君讚

若夫典治喬嶽表正靈祇司生發于東方仿聰明於上  
帝宜乎名冠仙籍德被烝民饗祀典于蕭薌鏤徽稱於  
金石者也屬以虔修封禮恭荅神庥薦顯號以致誠述  
斯文而頌美讚曰

節彼岱宗奠茲東土生育之地靈仙之府爰有高真允  
司剛命至神不測虔誠斯應茂實克昭儲祥是繫式奉  
嘉名用伸精意

大中祥符元年十月二十七日御書院奉勅莫勒刻石

右碑在泰山南麓青帝觀中宋真宗御製廣生帝君

讚并序其文及篆額皆御書青帝卽禮記月令所謂

其帝太皞而史記封禪書秦宣公作密時于渭南祭

青帝者也夫帝者一而已矣易傳曰帝出乎震齊乎

巽相見乎離致役乎坤說言乎兌戰乎乾勞乎坎成

言乎良周流於四時八卦之中而其爲帝者一也家語載孔子之言曰丘也問諸老聃曰天有五行水火金木土分時化育以成萬物其神謂之五帝古之王者易代而改號取法五行更王終始相生亦象其義故其生爲明王者死而配五行是以太皞配木炎帝配火黃帝配土少皞配金顓頊配水於是有五天帝五人帝之說漢儒因之遂立感生帝之名謂帝王者先祖皆感太微五帝之精以生鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍諸儒所排駁而後世雖存五帝之祀亦不遵用其名者也豈若易傳之言簡而當哉若真宗之事又所不足論云

加青帝懿號詔

勅中書門下名嶽配天乃衆山之推長盛德在木實品物之資生惟真宰之斯存蓋靈篇之攸紀青天真君職司煦育道叶冲虛贊元化於高明庇羣生於溥率真祠夙建方志可徵屬嚴駕以時巡爰秘封之成禮式瞻神館冀篤冥休祇舉典章載揚懿美奉徽名而昭薦旌元德於無方用表欽崇永綏福祉宜尊懿號曰青帝廣生帝君觀宇特加修飾故茲詔示想宜知悉

大中祥符元年十月二十五日下

御祝文

大中祥符元年歲次戊申十一月戊午朔四日辛酉崇  
文廣武聖明仁孝皇帝謹遣尙書兵部員外郎邵曄告  
於青帝廣生帝君伏以峻功不宰誕彰陰隲之仁神化  
無方實主發生之宇惟高真之幽館奠喬嶽之靈區屬  
以祇奉元符躬陳大報仰繫景貺克舉上儀式昭□□  
之稱以表欽崇之禮合申致告用達虔誠謹□言  
右共一碑前刻序讚大字後刻詔祝文字稍小

升元觀牒

尙書省牒准泰甯軍奉符縣升元觀

右第一行

泰甯軍狀據兗州儀曹掾兼兵曹婁寅亮狀稱契勘兗  
州奉符縣泰山之下有古洞天周三十里名曰三宮空

洞之天載石圖經是實卽目宮觀並無名額卻有建封  
院一所逼連嶽廟之後殿屋完備田產頗多只一村僧  
占據住持任從民間安攢邱墓穢惡不蠲深慮觸瀆真  
仙不便欲乞備申朝廷改爲道觀州司看詳本院委合  
改充前件洞天道觀伏候指揮

右小字

牒奉勅宜賜升元觀爲額牒至准勅故牒

右大字草書

起復大中大夫守左丞王

特進少宰

起復少保太宰

太師魯國公 不押右字畧小真書

政和八年六月十四日牒

右末一行

政和八年閏九月二十一日襲慶府管內都道正兼催措置知升元觀事洞元大師賜紫道士李冲寂立石左右方之下

右碑在泰山東南麓升元觀其大字草書甚遒勁不知何人筆錄之以見當日牒文之式考宋史婁寅亮傳但云政和二年進士爲上虞丞不言歷官兗州亦可以此碑補史之闕其曰太師魯國公則蔡京也普照寺有金大定五年牒碑長春觀有元丁亥年牒碑其式畧同金元碑並有印曰尙書禮部之印卽今通行大篆文不用女直蒙古字

後唐冥福院牒

中書門下宣賜冥福禪院產業地土

右第一行第二行

起開載地土數目不具錄

右付冥福禪院准此

此一行在數目之後

長興四年九月二十三日牒

中書門下之印在二十三

樞密使檢校太傅平章事駙馬都尉趙

前印

樞密使檢校太傅平章事范

前印又加一印在使字上

中書門下牒冥福禪院

右牌在今泰安州城內冥福寺此牒無押而每人各

用一印兩樞密使趙延壽范延光並見五代史又今

官府文移准字本當作準相傳以爲宋寇萊公作相

日避其名改之今據後唐時牒已用准字則知此字

自取省筆之便不始萊公也廣韻二字並收准字下  
注曰俗然莊子平中准管子懷繩與准鉤准繩文子  
放准循繩皆用此字碑下層有偽齊阜昌二年二月  
初二日給尸案不錄

宋范致君題名

武夸范致君久慕仙風自楚之魯遂登泰山以望八極  
之表有宋大觀元年正月二十三日記于是碑

右小石刻在泰山南麓后土廟

錢伯言題

宣和己亥九月二十四日面奉玉音至奉符催視嶽祠  
後一月伯言至自克明日具香燭以告上旨而罷醮於

會真宮獨登瑞雲亭早飭於行館遂同令寇庠丞呂光  
問祠官曹欽承萊蕪令韓僖道士蘇彥弼謁岱嶽觀留  
連池上復自金母洞過青帝觀觀文僖丞相遺刻遂遊  
白龍潭奠御范玉芽於水中愛其泉石之勝迺相與策  
杖散步還過雞籠峰始復有輿躬走社首山視禪壇訪  
遺跡晚入乾元觀小飲翠陰亭而歸知襲慶軍府事錢  
伯言題

右碑舊在宋天書觀後人移之州城內嶽廟中西墀  
古松下行書大徑寸餘

唐景龍觀鐘銘

原夫一氣凝真含紫虛而構極三清蘊秘控碧落而崇

因雖大道無爲濟物歸於善貸而妙門有教滅咎在於  
希聲景龍觀者中宗孝和皇帝之所造也曾城寫質闡  
苑圖形但名在騫林而韻停鐘簾朕翹情八素締想九  
元命彼鼓延鑄斯無射考虞倅之懿法得晉曠之宏規  
廣召鯨工遠徵鳧匠耶溪集寶麗壑收珍驚風雨之辰  
節昏明之候飛廉扇炭屏翳營爐翥鶴呈姿蹲熊發狀  
角而不振侈而克揚庶其曉散靈音鎮入鵝鸞之殿夕  
騰仙韻恒流鷓鴣之闈聾俗聽而成痊迷方聞而永悟  
洪鈞式啟寶宇攸鑄其銘曰紫宸御厯青元樹因傾巖  
集寶竭府收珍杜夔律應張永規陳形包九乳儀超萬  
鈞上資七廟旁延兆人風嚴韵急霜重音新自茲千歲  
從今億春懸玉京而薦福侶銅史而司辰  
景雲二年太歲辛亥金九月癸酉金朔一十五日丁亥  
土鑄成

白龍池宋人題名

內供奉官李舜舉被命禱祀帝岳奉香勝改於壽聖節  
日先欸青帝宮次詢白龍潭治平四年題 下云書吏李  
恭從行蓋此字卽恭之筆

兗守劉兗奉詔祈雪於岱宗登絕頂翌日謁白龍池之  
祠元祐丁卯孟春初四日奉符全林會題 大字

貫道建欄於此以便游者元祐丁卯正月八日 大字  
范陽正輔再游同魯國景元符丁丑三月二十六日

元符庚辰七月晦趙習之徐安國弟居仁孫正仲同遊  
大字

皇甫偁徐端朝孫櫛同游建中靖國元年三月

日題

奉符令李珪因捕蝗恭謁白龍祠男彙侍行崇甯壬午  
孟春初七日

誠中君實德升崇甯二年八月二十六日自王母池來  
訪此

董元康政和甲午重九日攜家來游執贄賁侍自恭觀  
元康兄留字正和乙未孟冬二十日

莆陽陳國瑞子玉恭謁白龍池祠俯洞酌泉小憇而邁

政和丁酉夏前二日 大字

姜子正子方李晉道劉言可刁文叔同來庚子四月李  
顯道張公美王仲與張去塵庚子孟夏十九日游池上

鄆城李儂弟倭姪贛隨侍遊此癸卯孟春二十八日

張子觀水於池一十三年春三月 篆書大字無年號按

宋朝紀年無有至十三者若日金元又不合一代全無  
題名止此一人也

右在嶽西傲來峰下白龍池壁上平廣計二十餘丈

書曰龍潭曰白龍池並大字其傍皆宋人題名尙未

刳缺錄之得十五首其文畧無重複自治平迄宣和

六十年間人名字亦可以想見當日太平之盛而金

元以降游遭兵火而名山奧區委之榛莽無復有題

名者矣

張子觀水於池篆書張字作𠄎按劉原父𠄎仲叵銘  
釋張爲𠄎以爲張仲之器歐陽永叔從之趙明誠金  
石錄疑之黃長睿東觀餘論則云𠄎其勿反非張字  
考之玉篇信然此云𠄎子則爲張子無疑蓋宋人之  
好奇者據原父永叔所定之字而用之耳

元聖旨碑

長生天氣力裏大福廕護助裏皇帝聖旨軍官每根底  
軍民每根底管子達魯花赤官人每根底來往的使臣  
每根底宣諭的聖旨成吉思皇帝月古台皇帝薛禪皇  
帝完澤篤皇帝曲律皇帝普顏都皇帝格堅皇帝聖旨

裏和尚也里可溫先生達識蠻每不揀甚麼差發休當  
者先天祝壽者麼道有來如今依着在先聖旨體例裏  
不揀甚麼差發休着者與咱每告天祈福者麼道泰安  
州有的泰山東嶽廟住持提點通義守正淵靖大師張  
德麟生每根底執把行的聖旨與了也這的每廟宇房  
院裏使臣休安下者舖馬祇應休拿者商稅地稅休與  
者但屬他每的水土園林碾磨鋪席不揀甚麼他每的  
休倚氣力奪要者每年燒香的上頭得來的香錢物件  
只教先生每收掌者廟宇損壞了呵修理整治者這的  
每其閒裏不揀是誰休入來休沮壞者更這張德麟梁  
道城根底聖旨與了也無體例勾當行呵他不怕甚麼

聖旨泰定元年鼠兒年十月二十三日大都有時分寫來

右碑在州城內嶽廟西偏延禧殿前又有至正四年猴兒年聖旨碑其文畧同不錄按元史泰定帝本紀有卽位一詔與此相類鄙諺之語播之王言傳之史冊貽笑後人然其曰每年燒香的上頭得來的香錢物件只教先生每收掌則是時香錢固未嘗以入官也後世言利之臣蓋元之不如也已

靈巖寺宋李迪詩

大丞相文定公游靈巖詩

靈巖山勢異金地景難窮塢影遮層漢鐘聲落半空千

峯羅雉堞

山如城壁之狀

萬仞聳屏風飛雀來清竇

有雙鶴泉剝魚

掛古桐名曾參四絕峯合亞三公勢澈河濡遠行差嶽

鎮雄仙僊閭隣峻極月觀伴穹崇邃洞連蓬島重巒鑿

梵宮

山面有證明功德嵌

望應銷俗慮登喜出塵籠獻壽嵩衡並

分茅岱嶽同良方標出震午位對升中嵐滴晴烟碧崖

鋪夕照紅巍峩齊太華奇勝敵崆峒鍊句供詩客模真

怯畫工天孫分怪狀神化結全功吟賞慵回首林泉興

愈隆

先丞相天聖間嘗留詩寺壁後主僧刻石逮今歲久字

畫剝缺因命工再刊石紹聖五年三月中泚日姪曾孫

新滑州白馬縣主簿李侃敬書

右小石刻在濟南府長清縣靈巖山寺中其山距府  
九十里南接泰山北帶龍洞齊乘以爲疑卽水經之  
玉符山而魏書所云朗公谷在其東南自前代稱爲  
勝境宋金元人題字最多予至則當兵火之後縱橫  
偃蹠委之荆棘瓦礫之中然猶得唐一宋金元合四  
十餘元以後不能悉數唐刻爲天寶十一載造舍利  
函記文不工不足錄而宋刻年月序次以此首按史  
李廸謚文定前後三知兗州其再任乃仁宗天聖中  
也

滕涉詩

天聖戊辰歲七月奉詔解青社印遯闕粵十四日道魯

魯經靈巖之山靈巖古地也山經地志頗載奇勝因飭  
駕游於是於時金火交勝天宇如灼周覽未卒頓獲清  
涼蓋古之君子登名山覽絕景思有以不忘者矧今相  
國隴西公復題名于壁余因命筆以繼君子之行兼記  
歲月而已 行右諫議大夫前知青州軍州事滕涉  
山半舊招提捫蘿躡石梯佳名標四絕勝境出三齊殿  
古烟霞窟庭深檜柏蹊嶽靈分地界雲險接天霓香篆  
清風裊松廊翠巘低飛塵無路入幽鳥隔巖啼夢破泉  
聲急飄涼竹韻淒微陽生頂上殘月落峯西慙到猶塵  
慮長居信覺迷致君功業就向此卜幽棲

祖無擇詩

寺有四絕一日靈巖余以赴官獲茲稅鞅因賦拙句用志其行 新通守濟南祖無擇

嘗想靈蹤得道難因為征轡此盤桓松風逗磬僧齋冷

石水環堂客夢寒聖作儼□□典布寺有偃蓋松白鶴泉及太宗皇帝御

書古碑猶是魏朝刊最憐山色當樓好欲去重來一凭

欄

景祐五年十月二十三日

范知章題名

高平范知章希聖公量餞弟敏求赴官相臺太原王廣

淵同來題

治平四年十月二十日寺主賜紫廣化大師記

孔舜思詩

題靈巖寺 尚書職方郎中通判齊州孔舜思忽從平

地出塵籠親到諸天釋梵宮卻悟冗官長役物爭如大

士日談空山橫青碧千層合泉迸丹崖一線通幽鳥靜

啼人外境疎鐘不墮世間風日無可欲猿猱伏心絕微

塵水鑑融自恨無緣陪宴坐它生願效種松翁

熙甯九年丙辰十月 日住持傳法賜紫沙門某某立

石

張會宗詩

留題贈靈巖鑒公禪師 守秘書丞分司南京張宗會

宗

人中令德居高地天下精藍占好山四絕名標清世上  
十方僧聚白雲間二龍珠照看經靜寺僧謂予此寺嘗  
有識者二龍玩珠  
也勢雙鶴泉供洗鉢閒早晚利榮韉鎖脫性通三教叩禪  
關

丁巳三月二十七日

鮮于侁詩

留題靈巖寺七言一首兼簡載師長老 鮮于侁

馬煩筆策車馳轂終歲塵勞常碌碌喜聞巖寺並山中  
路轉清溪入幽谷乍行山口疑洞天窮深一上翻平田  
千層臺殿隱林木四面石壁生雲烟山僧迎門笑相揖  
爲語祖師存往跡屈指于今八百年已在西來達手前

鶴鳴飛止黃金地錫杖湧起清涼泉境稱四絕名天下  
天台石橋乃其亞千峯不改歲寒時一水最憐秋月夜  
半生游學頗艱辛且向空山老此身也知方丈安禪處  
解笑東西南北人

元豐二年正月五日住持傳法賜紫守載立石

窻亭卞詩

留題靈巖古詩十韻 窻亭卞 卞字下缺石一角

屈指數四絕四絕中最優此景冠天下不獨奇東州夜  
月透巖白亂雲和雨收甘泉瀉山腹聖日穿崖頭大暑  
不知夏爽氣常如秋風高松子落天外鐘聲浮祖師生  
朗石古殿名般舟人巧不可至天意何所留老僧笑相

語此事常窮求移出蓬萊島待吾仙子遊

元祐庚午三月二十八日東武王堯書

蔡安持詩

四絕之中處最先山圍宮殿鎖雲烟當年鶴馭歸何處  
世上猶傳錫杖泉

元祐壬申十月中浣睢陽蔡安持資中題

杜欽況詩

靈巖行 杜欽況

山迴路疑絕林深閉巖局鑿翠出金碧開軒列雲屏希  
有昔成道久矣斯巖靈法定卧蒼壁白日穿空明金威  
指泉竇一鑑秋寒澄定水供言衆不縮亦不盈如公禪

本無營聊爲出山雲乘風任縱橫坐令多寶

藏百神轉雷霆夜月嘯雕虎玉匣開晶熒笑指八解池  
外流中不傾何必空山雷始悟物我情

宣和六年三月二十七日書

王淵題名

方渠王淵幾道緣職事訪如師和尙徧觀靈巖勝當日  
迴歷下

宣和己巳六月十一日書

金玉珩詩

巡按詣靈巖名利禮佛夢香憩坐於超然亭覽堂頭琛  
公佳製謾繼巖韻 山東路提刑玉珩

鐘山英秀草堂靈林下相逢話愈清聞道謀身宜勇退  
得閒何必待功成

明昌五年十月十五日上方靈巖禪寺住持傳法沙門  
廣生立石

路伯達詩

琛公堂頭和尚有題超然亭頌因次其韻 冀州節使  
路伯達

六合空明現此亭本來無垢物華清客來便與團欒坐  
萬偈何妨信手成

明昌五年十二月十五日上方靈巖禪寺住持沙門廣  
琛立石

元傳亭詩

至正乙未秋九月因公赴山東遊靈巖禪寺

秋晚登臨上岱宗扶筇來此謁崆峒閒雲送雨過深澗

老鶴將雛度遠空白日清泉水未了黃花紅葉思無窮

攜書歸隱知何甘坐想□□入夢中

靈巖山房尋同年長清縣尹張君德昭不遇

慈恩塔上題名後京國分攜十四年夢想故人詩句裏

坐看黃菊酒杯邊停雲靄靄秋容淡落葉瀟瀟客恨偏

獨倚□□重搔首又鞭歸騎過前川

丙申春三月海嶽降御香回重遊靈巖次題明叔詩韻

石徑穿雲雨意涼乘輶重過老僧房門前古柏凝新翠

巖畔幽深散異香鶴舞雙泉春水綠龍歸深洞暮山蒼  
禪僧久已無拘礙笑我狂遊去遠方  
前進士應奉翰林文字承事郎同知制誥兼國史院編  
修官傅亨題時弟益男文炳侍行云

右石刻大小不一凡十三通俱在靈巖寺其它刻宋  
時者則有田稹五言詩嘉祐五年王逵千佛殿記元  
豐庚申李公顏金像記元祐壬申卞育遊山記大觀  
戊子郭思遊山記大觀三年住持仁欽篆書書心經  
大觀四年仁欽生老病死苦頌仁欽十二時歌仁欽  
靈巖十二景詩政和元年淨熙和尚誠文政和五年  
劄付政和乙未趙子明題名靖康元年高直臣題名

而蔡卞經碑四幅前元符二年十二月十三日書後  
建中靖國元年十一月五日書在御書樓下特爲書  
家所珍又有面壁像碑宋建中靖國元年陳思道記  
金皇統七年重立金時者則有皇統七年雲公禪師  
像正隆丙子張汝爲題名大定戊戌蕭守中題名明  
昌六年本寺田園記明昌七年党懷英靈巖寺記元  
時者則有蛇兒年大元國師法旨碑蒙古字至元龍  
兒年帝師法旨碑蒙古字大德六年天童覺和尚默  
照銘至正四年察罕普華碑書唵嘛呢巴彌吽一行  
漢字一行蒙古字凡元碑最多不盡錄錄其稍異者  
有至治元年忽都虎郡王王夫人八達氏詩詩只二

句曰巖前松檜時時綠殿上君王歲歲春大字刻之亦不類婦人筆也又有宋蘇子由五言驗爲後人補刻而復有子瞻徐州一歌誤刻于此其詩各見集中不錄後之君子知予之所取者非以吹二氏之狂瀾拾閨朝之落艷而情深好古意在闡幽自有不能已者且因以覽世道之污隆考文辭之醇襍亦豈不爲學人之一助哉

唐岱嶽觀雙碑

西一碑北面第一層

顯慶六年二月二十二日 勅賜東嶽先生郭行真弟子陳蘭茂杜知古馬知止奉爲皇帝皇后七日行道並

造素像一軀二真人夾侍

大周萬歲通而二季歲次丁酉東明觀三洞道士孫文儁奉 而冊金輪聖神皇帝肆⑤五⑥勅將侍者姚欽元詣此嶽觀祈請行道事畢敬造石而尊像一軀並二真人夾侍庶茲景福永奉聖躬聊記其年用傳不朽專檢抄博城縣主簿關彥博錄事張則上

第二層

久視二季太歲辛丑丑酉乙亥朔二⑦丙子神都青元觀主麻慈力親承瑩音內賚龍璧御詞繒帛及香等物詣此觀中齋醮功畢伏願我皇萬福寶業恒隆敬勅口口齡冀同礪而無朽

侍者道士麻弘倩 祇承宮朝散郎行兗州 都

督府參軍事攝功曹房希聖 祇承官登仕郎行兗州

都督府錄事劉懷彥儀鳳三年三月三日大洞三景法

師葉法善等奉勅于此東岳修齋設河圖大醮所有口

線等物敬造壁畫元始天尊萬福天尊像兩鋪功德卽

畢立石紀年 此條在左方按儀鳳是高宗年號反在武

后之後不可解

### 第三層

大周長安四季歲次甲辰十一箇癸未朔十五②丁酉

口口觀威儀師邢虛應法師阮孝波承議郎行宮口承

劉懷口都口口口奉勅於東岳觀岱岳觀中建金錄大

齋卅九日行道設醮奏章投龍薦璧以本命鎮綵物奉

為皇帝敬造石天尊皇上天尊一鋪十事口壁畫天尊

一鋪十三事敬寫本際經一部度人經十卷欲茲功德

奉福壘躬其四②前行道之時忽見②彩揚光加以

抱戴俄頃之際雲色稍殊遂有紫霞間起黃雲聿興遍

覆靈場前成輿蓋覩斯嘉瑞敢不書之齋醮既終勒文

于石 岱岳觀主倫虛白 專當官宣德郎行兗州都

督府參軍事王處廉 專當官文林郎守博城縣主簿

韓仁忠 專當官岳丞劉口口

第四層 大曆八年建醮并造碑樓題名剝蝕不全

西碑南面第一層

大周壁曆元年歲次戊戌臘④癸巳朔貳⑤甲午大宏  
道觀主桓道彥弟子晁自揣奉勅于此東岳設金籙寶  
齋河圖大醮泰②行道兩度投龍遂感慶雲三見用齋  
醮物奉爲兩冊金輪壁神皇帝敬造等身老君像一軀  
並二真人夾侍 兗州團練使都虞候銀青光祿大夫  
試衛尉卿上柱國高晃 兗州團練使押牙忠武將軍  
守左武衛大將軍上柱國趙俊 專當官博城縣尉李  
嘉應 此三人宿衛書作五行從左方起

第二層

大周長安四季歲次甲辰玖匝甲申朔八⑥辛卯勅使  
內供奉襄州神武縣雲表觀主元都大洞叁景弟子中

岳先生周元度并將弟子貳生金州西城縣元宮觀道  
士梁悟元奉叁匝貳拾玖⑦勅令自于名山大川投龍  
壁修无上高元金元玉清九轉金房度命齋三⑧三夜  
行道陳設醮禮用能天塗清和風雲靜默神靈效祉表  
壁壽之無窮者也 專當官朝散郎行參軍燉煌張俊  
并書 專當官文林郎守博城縣主簿韓仁忠 專當  
官宣德郎行曰曰曰劉元機

第三層

大唐景雲二年歲次辛亥八月癸卯朔十四日景辰蒲  
州丹崖觀上座呂皓仙奉今年閏六月十九日勅往東  
岳及萊州東海投龍并道次靈跡修功德將弟子二人

蒲靈山觀道士杜含光丹崖觀道士王元慶道士孫藏  
暉於此三日三夜冊九人金籙行道設齋醮并投龍  
朝議郎曹參行倉庫陸大鵬 朝議郎行兵曹參軍  
高岌 通直郎行參軍袁幹 特宣議郎行瑕邱縣丞  
裴遇等奉都督齊國公崔處分令此起居呂尊師時屬  
仲秋謹題斯記

第四層

大唐大曆七年太歲壬子正月癸未朔廿三日乙巳奉  
勅于岱岳觀修金籙齋醮及于瑤池投告事畢故題記  
修功德中使內侍魏成信 判官文林郎守內府丞  
劉元載 判官掖庭局丞楊彥瓌 小使掖庭局丞

魏貴珍

使內供奉道士申升元

使翰林供奉道士

王瑞靜

山人王昌宇

弟子道士李日榮

駱真運

大叔法澄

行宮陳頤

同勾當官朝議郎行乾封縣

尉郭璆

專知齋醮檢校官朝議郎行兗州府參軍王

楚李志晟張守珪

行官郭元光劉仙口

第五層題名

不全

東一碑北面第一層

大周天籙二季歲次辛卯二 癸卯朔日 壬子金臺  
觀主中岳先生馬元貞將弟子楊景初郭希元內品官  
楊君尚歐陽知琮奉聖神皇帝勅緣大周革命令元貞  
往五岳四瀆投龍作功德元貞於此東岳行道章醮投

龍作功德一十二<sup>①</sup>夜又奉册敬造石元始天尊像並  
二真人夾侍永此岱岳觀中供養

祇承官修德郎行兗州都督府倉曹參軍事李叔度

### 第二層

長安元季歲次辛丑十二月己亥朔二十三<sup>②</sup>辛酉道  
士金臺觀主趙敬同侍者道士劉守貞王懷亮等奉十  
一區七<sup>③</sup>勅于此泰山岱岳觀靈壇修金錄寶齋三<sup>④</sup>  
三夜又於觀側靈場之所設五嶽一百廿槃醮禮金龍  
玉璧並投山訖又口鎮綵紋繒敬造東方玉寶皇上而  
尊一鋪並二鎮人仙童仙女夾侍口口口口口口供養其<sup>⑤</sup>  
祥風暫息瑞雲便停香燭氤氳<sup>⑥</sup>匝明朗神靈口祉吉

祥事畢故刻石記時勒名題<sup>⑦</sup>

專當官宣義郎行博城縣丞公孫口 專當齋并檢校

像官博城縣主簿登仕郎董仁智 都檢校官承議郎

兗州大都督府戶曹參軍王果

### 第三層

大唐神龍元年歲次乙巳三月庚辰朔二十八日丁未  
大宏道觀法師阮孝波道士劉思禮品官楊嘉福李立  
本等奉勅于岱岳觀建金錄寶齋卅九人九日九夜道  
并投醮投龍功德既畢以本命鎮綵等物奉爲皇帝皇  
后敬造石元真萬福天尊像一鋪

檢校尚書駕部郎中使持節都督兗州諸軍事兼兗州

刺史侍御史元 本州團練使任要貞元十四年正月  
十一日立春祭岳遂登太平頂宿其年十二月廿一日  
立春再來致祭茶宴于茲

同遊詩客京兆常洪押衙王遷運 乾封縣令王恹尉  
邵程嶽令元寘造車十將程日昇後到續題 給事郎  
試太子中允劉秀良書

此因神龍記後石有空處遂附題焉中唐以至宋初  
大率如此其書從左方起

第四層

大唐景龍二年歲在戊申二月甲子朔十二日乙亥大  
龍興觀□□□□勅往東嶽陳章醮薦龍壁以其月廿

七日辛卯於大嶽觀并上□□□□設金錄行道九日  
九夜燒香然燈并設五岳名山河圖等醮□□□功德  
事畢奉用本命紋繒及餘鎮綵敬造鎮國天尊一鋪一  
十六事□□□皇猷永固與靈岳而恒安國祚長龍等  
元都而自久朝議郎行兗州□□□軍事王翰朝散郎  
行兗州府都督參軍事上柱國兼直安樂公主府□□  
□乾封縣令上柱國張懷貞儒林郎行乾封縣主簿  
騎都尉韓仁忠等恭承睿旨沐浴身心虔拜靈壇勤亦  
至矣稽首無上而爲讚曰泰山巖巖兮凌紫氛中有羣  
仙兮乘白雲陳金薦璧兮□□□□臘月中與韋戶曹  
遊發生洞徘徊之際見雙白蝙蝠三飛洞門時多異之

同爲口號 任要 山翠纂靈洞洞深元想微一雙白  
蝙蝠三度向明飛雖然有兩翅了自無毛衣若非飽石  
髓那得凌口口偶見歸堪說殊勝不見歸 同前韋洪  
欲驗發生洞先開冰雪行窺臨見二翼色素飛無聲  
狀類白蝙蝠幽感騰化精應知五馬來啟蟄迎春榮露  
晷口之久鳴駒還慰情 此亦附題從左方起

東碑南面第一層

大唐景龍三年歲次己酉三月戊午朔十九日景子奉  
勅令號州龍興觀主杜大素蒲州丹霞觀監齋呂皓仙  
京景龍觀大德曹正一等三人于此泰山岱岳觀建金  
籙大齋報賽前恩追濟兗等州大德卅九人七日七夜

轉經行道設河圖大醮更祈後福以申告請七日之中  
遂呈四瑞白鶴騰輝拂霞莊而矯色黃雲覆彩映巖穴  
以通光絲雨飛禎家示九年之蓄鳥曦抱戴壽延千載  
之君記時日于青郊勒奇工于翠琰夾紵像一鋪十事  
二聖本命鎮彩修造

戶曹盧近觀 縣令張懷貞 主簿韓仁忠

第二層

景雲二年勅 已見前

開元十九年十一月都大宏觀道主張遊霧京景龍觀  
大德楊琬建立真君于此修齋三日三夜專當官朝散  
郎曲阜主簿上觀賓登仕郎乾封縣尉王去非瑕邱尉

攝此縣盧吳

第三層

歲六月我皇有意于神仙勅使正議大夫內給事梁思  
隨寺伯俱元明等與道士任無名于東岳泰山投龍合  
練寵以紫綵送以紺錢皇皇焉濟濟焉乘傳而來矣都  
督韋君仰祇帝命遠挹使車爰擇幹明式經構葺朝議  
郎行功曹蓋寡疑宣德郎行參軍李烈恭行郡命屆茲  
岱嶺因太山之木用近土之人鑿碧巖壘丹竈列星柱  
亘虹梁匠無宿舂農不下壟嘗未洽日厥功已成棟宇  
以來莫籌其速乾封主簿趙脊持劇務以應諾總羣事  
而趨走恪勤匪懈不遑自甯息徒庀工刻詞貞石于時

開元八年歲次庚申七月壬子朔廿日辛未畢此功也  
瑕邱尉攝此縣盧吳

第四層

開元廿年二月八日勅使內侍省內謁者監胡寂判官  
掖庭局監作甯君愛口上騎都尉王元德專知官登仕  
郎行乾封縣尉王去非 驅使官樂瓌題記 以上從左  
方起

淄州刺史王圓山人王昌字大厯十四年二月廿七日  
同登太岳時真君道士卜皓然萬歲道士郭紫微各攜  
茶藥相候于迴馬嶺同憩于王母池登臨之興無所不  
至 已上從右方起

第五層

平盧淄青支度判官中大夫檢校尚書工部郎中兼侍  
御史敬審 節度押牙中大夫試殿中監馮珣 山人  
呂滔 文林郎守兗州府兵曹參軍田浩 文林郎任  
城縣尉高隄 朝散大夫行任城縣令權知乾符縣令  
楊序 節度驅使官朝散郎試光祿寺主簿明幹 唐  
建中元年二月廿九日同口口岳因訪瑤池故志之

東側面

早春陪勅使麻先生祭岳詩 已見前

西側面

五言贈諸法師 宣承郎行博城縣丞公孫杲

駕鶴排朱霧乘鸞入紫烟凌晨味潭菊薄暮玩峯蓮玉  
葉低梁下金颺引窗前嘯傲雲霞際留清鱗羽年

西側面各有題名猥雜不錄西側面上有一題名云  
長清董元康權宰奉高受代將歸同王彥文遊政和  
甲午重九日崇道繼至惟此一條是宋人書

李負詩

恒嶽晨望有懷 定州司馬李負

二儀均四序五嶽分九州靈造難窺測神功匪易酬恒  
山北臨岱秀巒東跨幽瀕洞鎮河朔差峩冠嵩邱禋祠  
彰舊典壇廟列平疇古樹侵雲密飛泉界道流從官叨  
佐理銜命奉珍璫薦玉申成效鏘金諒有由郊原昭初

日林薄委徂秋塞近風聲厲川長霧氣收他鄉饒感激  
歸望切祈求景福如光願私門當復侯

右詩在真定府曲陽縣北嶽廟中廟有唐時大碑五  
其一韋虛心文陳懷志書行草其一張嘉貞文自書  
其一鄭子春文崔鑲八分書其一李荃文戴千齡八  
分書其一劉端文王知新書行草碑陰及兩旁刻字  
皆滿其上層爲積土所益而余至時倉卒求梯不可  
得止就下方讀之大率皆貞元至天祐十數朝祭嶽  
題名亦有宋人刻字獨此詩在韋碑後文雖不工然  
予見近代君子搜剔唐人之詩至于無名氏不知何  
代人之作皆收而附之而此灼然不誤者乃不得與

斷簡殘編之列又北嶽廟自大碑之外絕無題詠故  
特錄焉又有宋王禹偁陳彭年韓琦三大碑及白憲  
書石幢一字皆可觀而稚圭自書逼真顏魯公世人  
傳其字者罕也

### 李克用題名

河東節度使檢校太保同中書門下平章事隴西郡王  
李克用以幽鎮侵擾中山領蕃漢步騎五十萬衆親來  
救援與易定司空同申祈禱朔日過常山問罪時中和  
五年二月廿一日克用記易定節度使檢校司空王處  
存看題至三月十七日以幽州請就和斷遂卻班師再  
謁晬容兼申賽謝便取飛狐路卻歸河東克用重記

字云天會十二年七月六日尚書都官員外郎知曲陽縣事高君陳謨刊

右石刻在北嶽廟中大字甚佳克用沙陀之子不聞工於筆法宣和書譜謂朱梁太祖批荅賀表當是筆吏所書此亦其類與宋沈括筆談云嶽祠在曲陽祠中多唐人故碑殿前一亭中有李克用題名則知此字當時所刻或燬于靖康之兵火而金天會十二年重刻之石也又存中言北嶽常山今謂之大茂山是也半屬契丹以大茂山分脊爲界

嶽祠舊在山下石晉之後稍遷近裏今其地謂之神棚卻恐未然按碑宋初祠爲契丹所焚淳化二年曾遷而唐朝臣碑皆在其中亦非徙至者也王貞遊三

關記云廟貌著于唐不自宋始可信

### 宋蘇軾題名

蘇軾禱雨嶽祠同李之儀李士龍鄆長卿孫敏行口口賈溫之

右小石刻舊在嶽廟今移縣治賓館又有子瞻書詞歸去來兮一闕清夜無塵一闕九日春一闕用石二片兩面書之舊在縣西北二里水竇巖今移岳廟皆大字其詞見蘇文忠公集中

### 吳越武肅王墻隍廟記

重修墻隍神廟兼奏進封崇福侯記

若夫冥陽共理之規人神相贊之道傳于史冊今昔同

符切以浙東地號奧區古之越國當舟車輻湊之會是  
江湖衝要之津自隋未移築于墻因遷公署據卧龍之  
高阜雉堞穹崇對鏡水之清波風烟爽朗緬惟深固宜  
叶冥扶故唐右衛將軍惣管龐公諱玉頃握圭符首臨  
戎政披榛建府吐哺綏民仁施則冬日均和威肅則秋  
霜布令屬墻愛戴黔庶謠誥尋而罷市興嗟餘芳不泯  
衆情追仰共立巖祠鎮百雉之岡巒宰軍民之禍福殿  
堂隆邃儀衛精嚴式修如在之儀仰託儲靈之蔭往載  
豐生劉氏妖起羅平予躬稟睿謀恭行天討數年擐甲  
兩復越墻皆資胘蠻之功以就戡平之業特爲重增儀  
儁巖潔牲牢邇來四野無塵重門罷柝丁卯歲揚旌東

渡迷撫軍民躬奠椒漿日瞻靈儁每暢吳風越俗共歌

道泰人安昔爲兩鎮之疆今作一家之慶遂馳牋表請

降封崇所冀朝恩與西使始牧齊標疑有美稱共秦巒

對聳尋蒙天澤果賜允俞頒崇福之嘉名昇五等之尊

爵其所奉勅命具列如左

右小字

勅鎮東軍墻隍神龐玉前朝名將劇郡良材傾當作因

剖竹之辰實有披榛之績剏修府署綏緝當作吏民豈

獨遺愛在人抑亦垂名終古況錢鏐任隆三鎮功顯十

臣能求福而不回致效靈而必應願加懿號以表冥符

宜旌爰業之功用顯優隆之澤宜賜號崇福侯仍付所

司牒至准勅者

右大字

噫乎人惟神祐神實人依爰自始建金湯肅陳祠宇奠  
茲中壘三百年來雖享非馨未登列爵今則予佐國連  
統藩維啟吳越之雙封爲東南之盟主況遇金行府錄  
梁德克昌道旣泰于君臣澤遂加于幽顯獲申奏薦遽  
降徽章今則象軸煥新龍綸遠至表勳名于萬代昭靈  
感于千秋固當永荷王私長垂幽贊保我藩宣之地遐  
清災沴之源共泰斯民永安吾土烜矣赫矣永作輝華  
今當吳越雙封一王理事亦仗土地陰隲冥力護持神  
旣助今日之光榮予亦報幽靈之煥耀但慮炎涼改易  
星歲徂遷不記修崇莫源事始聊刊貞石以示後來時  
大梁開平二年歲在戊辰 月 啟聖匡運同

德功臣淮南鎮海鎮東等軍節度使檢校太師守侍中  
兼中書令吳越王鏐記

右碑在紹興府臥龍山西岡上城隍廟中此碑以城  
爲墻以戍爲武問之越人皆茫然莫對錢塘吳任臣  
博物君子也一日予舉此碑詰之荅曰五代史梁本  
紀註曰梁嘗更戍曰武朱溫父名成戍字類成故改  
之城之改墻亦此故也然本紀言溫父名城非成亦  
豈歐陽公誤耶予按舊唐書哀帝紀天祐二年七  
月勅全忠請鑄河中晉絳諸縣印縣名內有城字者  
並落下如密鄭絳蒲劍單名爲文九月勅武成王廟  
宜改爲武明王十月勅改成德軍曰武順管內棗城

縣曰橐平信都曰堯都欒城曰欒氏阜城曰漢阜臨  
城曰房子避全忠祖父名也十一月勅改路州路城  
縣曰潞子黎城曰黎亭又勅改河南告城縣曰陽邑  
蔡州襄城縣曰苞孚同州韓城縣曰緯元絳州翼城  
縣曰澮川鄆州郟城縣曰萬安慈州文城縣曰屈邑  
澤州晉城縣曰高都陽城縣曰濩澤安州應城縣曰  
應陽洪州豐城縣曰吳高又按五代史成德軍梁初  
以成音犯廟諱改曰武順其曰音則以二字同音而  
避之禮所謂嫌名者非誤也又曾子固因跋韓公井  
記云城改爲墻者梁太祖父烈祖名誠當時避之此  
更可據然因成而改戊甚爲迂曲周公謹齊東野語

亦云此全無義理又戊本音茂不知何以有武音而  
鄭樵謂十辰十二日皆爲假借甲本戈甲乙本魚腸  
丙本魚尾丁本蠶尾戊本武己本几又不知其說何  
所本也

又按城隍二字始見於易爻城復于隍之文說文隍  
城池也有水田池無水曰隍而非以爲神也禮諸侯  
祭五祀而國門居其一鄭氏以國門爲城門則始有  
祭城之說而非以爲一國之主也洪武二年禮官奏  
城隍之祀莫詳其始唐李陽冰縉雲城隍記謂祀典  
無之惟吳越有之然成都城隍祠太和中李德裕所  
建而張說有祭城隍文韓愈有祭潮州袁州城隍文

杜牧有祭黃州城隍文則不獨吳越也蕪湖城隍建  
于吳赤烏二年北齊慕容儼梁武陵王祀城隍神皆  
書于史則又不始于唐也予考其所云赤烏年者固  
不足憑而大約起于南北朝之世至唐末而無地不  
祠無州不祭又必指一人以當之如吳之春申君永  
嘉之周苛南昌之灌嬰潤州之紀信而此郡則以爲  
前總管之龐玉地祇人鬼合爲一身祀典之不經至  
斯而極已或曰如子之言則令甲所封爲神者非與  
非人鬼也而可以察人間之善惡與曰奚不可哉在  
古有之國社里社庶人所得而祭也啓之戰甘曰不  
用命戮于社而王莽之誓其下曰有不爲新室者社

鬼記之是固以土神而司生殺之柄者也今之城隍  
古之社也名異而實同國家之所奉神則憑焉不必  
其託于人鬼而後能靈爽也予旣錄此碑封號而慮  
爲後人之謠鬼者助之左證也故并論之

宋勅碑

勅賜昭祐公碑

碑額篆文

尙書省牒

越州縣甯廟昭祐公

大字

太常寺狀准尙書省劄子三省同奉聖旨駐蹕會稽今  
已逾歲妖祲不作行殿載甯越州城隍廟崇福侯可特  
賜額封公竝今太常寺擬定申尙書省依准今降聖旨  
指揮欲擬昭祐公伏乞朝廷詳酌指揮施行申聞事

城隍廟崇福侯 右小字

牒奉勅朕展義事東南駐蹕都會宮室城郭之必葺殆歲之周氛禳妖孽之弗與繫神之祐是用錫上公之尊爵加二字之榮名不顯其光庸示無窮之報自今以始常儲有羨之祥宜時封昭裕公牒至准勅故牒 右大字

紹興元年五月

牒字上有尚書省印

參知政事張

官銜俱在中半截寫起

尚書右僕射尚書門下省字

少傅鎮潼軍節度使判紹興軍府事兼提舉學事兼管內勸農使充兩浙東路安撫使馬步軍都總管信安郡王食邑柒千貳百戶食封叁阡肆百戶孟忠厚 立石

右碑在城隍廟中其陰大書曰賜顯甯廟額勅按宋史建炎四年四月癸未帝駐蹕越州五月癸丑以張守參知政事與碑合

晉祠宋人題名

熙甯戊申歲秋九月十四日范陽盧大雅君美臨川王安禮和甫清源王本安國同謁晉祠舍均福堂明日如白雲石甕宿明仙又明日遊甘泉開化而歸本題 本字从木从十

太原王安修世長廣平程易先之安陽蔣旼渭公熙甯癸丑孟夏同遊

龍圖閣學士河東經畧安撫使曾布提點刑獄朝奉大

夫范子諒躬率寮吏禱雨祠下通判太原府事田盛高復簽書河東節度判官盧訥知陽曲縣馮忱之走馬承受王演檢法官吏辯從行元祐丙寅歲七月十三日訥謹題 刊者任昉

開封苗仲淵師顏自湖南提刑移本路政和五年十月晦祇見祠下男丕侍

### 宋王安禮題名

臨川王安禮赴官太原過謁祠下因與錢塘楊世昌河南張仲咨會于泉亭熙甯戊申三月十四日題

右題名在太原縣晉祠御書碑陰其碑爲晉祠之銘并序唐貞觀二十一年太宗御製并書其文世多有

不錄獨碑陰字體不一其上右方云司徒太子太師

上柱國趙國公臣無忌太子太保上柱國榮國公臣

瑀特進太子詹事兼左衛率上柱國英國公臣勣光

祿大夫刑部尚書上柱國鄖國公臣張亮禮部尚書

上柱國江夏郡王臣道宗太常卿駙馬都尉柱國安

德郡公臣楊師道正議大夫守中書令太子左庶子

兼攝吏部尚書護軍臣馬周凡七行則當日題者今

世流傳摹拓本無此不爲完碑其餘則皆宋人續題

錯亂無次其空處又有洪武二年行省參知政事楊

憲題而絕無一唐人題者以御書之碑不敢擅刻故

也今錄四條

呂惠卿

留題興安王廟 資政殿大學士河東路經畧安撫使

呂惠卿

翦葉疏封意歸禾協濟心遺風因唐遠積德本周深逝  
水悲興廢浮雲閱古今祠宮尙翬翼鳴玉漱松陰

右小石刻在晉祠祠距府西南四十里懸壘山之麓  
晉水之所發源後人于此引池結亭駕橋其上杯水  
翳然足爲一方之勝其廟負山而東面者晉水之神  
南面者唐叔之神後晉天福中封唐叔爲興安王而  
宋時又封晉水爲顯靈昭濟聖母飾爲婦人之像今  
之人但言聖母而不復知有唐叔爲古先有土之君

矣故特錄此詩亦以此祠自唐御書之外別無文字  
故也祠前蓮花臺上有鐵人四一紹聖四年一五年  
造具完一宏治十一年一無年月俱壞因知今人制  
作不逮古人類如此豈獨文章也哉

惠明寺碑陰題名

普慈王植安陽王孝彥西河文大方臨川王安禮祀神  
歸憩此辛亥三月二十四日

太原縣北門外惠明寺塔碑宋元豐八年呂惠卿撰  
并書其陰下方有此三十一大字餘題尙多不錄凡  
碑文必面在先陰在後此碑元豐八年立爲乙丑之  
歲而陰所題辛亥反在其前十有四年不可曉也豈

非惠卿磨去前人之文而自刻之者與其陰歲月之  
猶存則固心勞日拙而亦天地之未盡泯者與夫毀  
人以自成君子之所深戒而今之名公貴人爲此者  
比比也嗟夫古碑之所以多不存于世其不以此也  
哉

霍山中鎮廟宋陳綱詩

留題霍山應聖公廟 太常博士知晉州陳綱

峻極巍峩勢望雄層巒疊嶂翠重重爲神有感興唐祚  
作鎮無疆福晉封材產十州資構厦泉分數邑潤耕農  
幽巖舊榻高人隱絕頂遺墳古帝踪欲雨片雲生峭壁  
未明先日照危峯斷崖當午晴雷震深壑經秋積靄濃  
樵去每逢遊洞鹿僧禪時見戲潭龍名光祀典傳千載  
御祝牲牢致享恭

大中祥符五年六月二十二日岢嵐軍判官鄭世卿書  
栗再興刻字

元趙毅詩

謁中鎮崇德應靈王廟詩用宋太常博士陳綱韻

凌晨策馬趨靈宮縈紆一逕松蘿重兩山對聳忽開豁  
參差殿閣蒼烟封溪迴路轉得平土雲間雞犬存莊農  
廟庭喬木巢野鶴沙瀨虎蹄遺新踪仰觀絕頂倚霄漢  
陪山劍戟攢羣峯霏嵐光翠欲滴深林綠動春意濃  
包含元氣蓄雷雨巨壑湛蔚藏神龍天香屢降祈年穀

有司時祀宜彌恭

至正元年秋奉議大夫太常禮儀院判官趙毅謹書

知宮武德柔立石

建文碑

維建文元年歲次己卯二月壬寅朔二十二日癸亥皇

帝遣序班周敖國子監主袁綱致祭于中鎮霍山之

神曰予荷

昊天祐命承

皇祖丕緒正大寶位

統率神人乃正月壬午祇祭

上帝于南郊山川百

神既興奠享尙以未能時修祀事于祠下爲憾是用遣

官奉香幣牲醴致祭維神以靈峻之德作鎮中土時

出雲雨協相兆民以稱予懷柔之意焉尙饗

後列陪祭

官霍州知州等官及執事生員吏典姓名

右小石刻一通在霍山中鎮廟西壁土予行天下見

洪武永樂以來祭告嶽瀆之文及它碑記甚多獨未

有建文年者意其在位日淺又或文皇御宇之日

而臣下之獻諛者從而剗去之也乃此文襍于數十

百碑之中而字畫完好無缺故亟錄之後之君子每

痛國史不存建文一代事跡無從考證若使通雅

之士厯深山窮谷而求之如此碑者世間或尚有一

二不止霍山廟也不猶愈于羅永菴之詩程濟史彬

之錄僞撰而無稽者乎因并書之以告後人之能信

古者

大周無上孝明高皇后碑銘 并序

臣聞二儀合德中黃承太紫之庭兩曜齊明玉兔麗金鳥之像是以九霄高暎 星躔乘婺女之精十野傍當作羅嬀水叶娥皇之德亦有西陵美族口口軒帝之宮南土嘉媒入姆夏王之幄其後大任端一卽創文基大姒勤勞還開武運故知皇三事業咸資坤口之功帝五風謠必藉陰靈之化無上孝明高皇后宏農仙掌

出自有周蓋唐叔虞之後 原夫赤烏流火丹雀銜

書口開夢梓之祥旋茂翦桐之業自唐郊徙邑晉野裁封卽胙土而口家啓禎符而得姓周則志爲大將承九代之餘資秦則欵爲上卿居七城之重任豈直口口丹

轂金葶鳥奕于都畿四代白環玉緒蟬聯于海縣子雲博識吐鳳摛詞伯起高材銜鱣襲祉誕口不墜降靈相屬神基與紫微爭高仙派共黃河俱遠所以口隆鐘鼎口積衣冠五公則異代相傳入子則殊口間出詳諸口口可畧而言曾祖諱定後魏都督歷新興太原二郡太守并州刺史晉昌穆侯宏材卓犖峻局深沉丹山有雋口之彩綠口見遺風之步褰帷按俗風行馭竹之郊露冕臨口化偃焚林之阜豈直鄧攸罷郡深歎鷄鳴劉寵辭官方憂犬吠祖諱紹後魏征西將軍金紫光祿大夫兼通直散騎常侍驃騎大將軍周開府儀同三司封儻城郡公鄜幽燕三州刺史贈使持節大將軍成文扶鄧

洮五州諸軍事成州刺史謚曰信聲飛漸陸響逸鳴皋  
器重南金材橫東箭謀深入陣勇冠三軍既隆投石之  
勳果踐銜珠之秩加以金龜結紐銅虎虎字再見未筆  
俱短篋字號字亦然

分符轉扇揚風停車待雨童兒結要無欺一口之期親  
友論刑自得二口之詠父鄭恭王諱達周內史中大夫  
隋開府儀同三司黃門內史吏部刑部二侍郎尚書左  
右丞趙鄩二州刺史工部吏部二尚書納言營東都太  
監將作大匠武衛將軍左光祿大夫遂甯恭公贈吏部  
尚書唐贈尚書左僕射垂拱二口封鄭王食邑一萬戶  
依舊謚曰恭卽雍州牧司徒觀德王之季弟也量包江

海氣逸煙霄文則呂氏春秋武則孫吳兵法箕裘代襲  
鏘鏘萬石之君禮樂基身翼翼千金之子鸞迴玉札雁  
落瑀弓激水張鱗遙浮渤澥搏風理翰直上扶搖累踐  
崇階頻昇顯秩腰韉北闕位總貔貅曳履南宮聲高鷓  
鷺貂冠入侍氣應連珠隼旆分班榮參執玉加以累仁  
鍾祉積德延祥四履開封寵及九泉之路千乘口禮恩  
覃萬古之前棠棣相輝鵲鴿交映劉家兩驥譽滿寰中  
荀氏入龍名高海內通門向術冠蓋成陰甲第當衢歌  
鐘就列伏惟無上孝明高皇后資靈口魄毓粹口宮承  
茂祉於瑤筐降仙儀于金屋聲馳當作州歲潛流夢口  
之祥譽表笄口暗積捫口之貺蘭襟散馥惠問揚翹懿

則重于邦家柔儀冠于今昔忠圖孝範援翠竹而凌霜  
媛德婉容引青松而冒雪禮枝含秀藻七誠于情田行  
葉分芳籠九師于性府徽猷內湛韶姿外發懸明鏡于  
積水之間振清飈于長松之上貞規漢遠亮節秋高翠  
樓紅口從來未重龍梭鳳督本自多輕簡素鄙鞞繡之  
工靜默尚韋編之道明詩習禮豈唯秋菊之銘閱史批  
圖甯止春椒之頌學標天縱開道德之清關業契生知  
入文章之妙境曾于方寸具寫千言總遊霧于毫端窮  
偃波于筆杪芝英雲氣入魏帳而分輝龍爪魚形映張  
池而散彩嘗題一簡密記貞心置以緘滕藏之屋壁云  
當使惡無聞于九族善有布于四方指此立身期之必

遂後因修宅匠者得之恭王見而嘆曰此隆家之女矣  
昔者書堂欲壞惟聞絲竹之音劍匣將空覩蛟龍之氣  
未有仁心暗徹睿德冥通橫宇宙而無違滿乾坤而自  
應若乃行該口義孝極口經親枕席而忘疲候晨昏而  
靡倦及乎風枝不靜露蓼含哀口厚口而無追仰曾穹  
而莫報思欲託三乘之妙果憑五演之元宗永奉嚴親  
長栖雅志昔隋季喪亂海內沸騰伏鱉垂口風塵暗起  
羣龍戰野旗鼓潛張白騎于是爭驅青犢由之競擾蚩  
尤則餐沙食石項羽則索鐵申鉤赤眉探盆子之籌黃  
巾聚口師之米夫三才合契惟神膺大寶之名大位乘  
時惟口運洪鑪之德唐高祖神堯皇帝材雄鵠起業峻

龍飛用丹旆而甯口將朱旗而撥亂口綱既紐竟收龍  
鳳之圖口角或清遂翦豺狼之毒無上孝明高皇帝觀  
時有作應運而生先知赤伏之言預識黃口之兆功深  
坐樹績茂披荆負伊鼎而陳謀入張帷而建策龍鈴獨  
運當赤口之三千獸節長驅偶皇口之百六息崑山之  
巨燎並藉中權定滄海之橫流咸資上畧志同魚水契  
若鹽梅如魏武之得荀攸似漢光之逢鄧禹雖英圖盛  
烈昭鶴鼎于高門而闔則嬪風闕魚軒于中饋高祖神  
堯皇帝位膺元首任切股肱利涉大川寄隆舟楫式崇  
勳舊爲結潘楊酬功草昧之時賞効雲雷之口高后以  
孝誠純至雅採虛冲拒縹禮于移口誓閑襟于口口六

塵不染孤標水上之花四諦方披獨晤口中之口泊乎  
鳳凰開繇猶堅匪席之心烏鵲成橋果迫如綸之命於  
是使桂陽公主爲婚主禮聘所須並令官給既而三口  
叶光百兩邀歡與松蘿而比茂諧瑟琴而流響風閨少  
女襲蘭蕙而馳芬口幌仙娥韻珩璜而動步光生綺殿  
比桃李而增鮮影發春樓視雲霞而掩色八紘欽其雅  
躅四海挹其鴻徽猶羽翼之宗鸞鳳風雲之隨龍虎者  
矣廟見斯畢卽拜應夫從班例也于時帝圖肇建  
主業口基三戶亡秦覺風塵之始定四門闢舜識雷雨  
之將調口無鬪口之妖口息崩山之禍主上方勤庶政  
屬想羣黎將貽其理之憂式廣求賢之務無上孝明高

皇帝以勳兼竹帛義重金蘭備歷文武昭昇內外三踐  
入元之位四臨九伯之途中臺飛署劍之榮南服總班  
條之任高后以業光圖史道叶墳筭欲啟仁明實資陰  
□是以□□□海合未發而風移化穆荆衡澤將流而  
□悅呼鷹臺下尙隔去思抵鵲巖前始歌來晚俄而高  
祖晏駕瞻脫屣而無留太祖崩號奉遺弓而積慕沉綿  
遽軫終無就□之期痼疾遄淹忽切乘□之覺高后哀  
深杞堞誓切柏舟悲一劍之先沉怨雙桐之半死昔時  
寶鏡愴對孤鸞舊日瑤琴悲聞獨鶴御冤茹痛撫總帳  
而增號弔影傷魂踐孀閨而凝慕方祈淨業敬託良緣  
憑慧炬於幽途艤慈舟于覺海于是心持寶偈手寫金

言字落貫花詞分半□龍藏豈及象負難勝將佛□而

長懸共慈燈而不滅及龍旌首次蠡紉遵途永惟憑附

之□誠願託邱榛之側方冀鵲棲梓樹近接埏庭鶴舞

松枝傷當作依遂路特以□上□居膝下愛切掌中理

藉劬勞方資願復宣和諭善屢積葭灰□就□□頻移

柘火至永徽六□□上母儀萬□□位六宮將開練當作

鍊石之基乃遂頽沙之祉大帝以西京命賞平原之秩

未宏東漢崇恩新野之封猶褊于是廣流原霈大啟黃

扉稽石窳之遺塵裂寶□之□□卽以其□十一□冊

代夫食湯沐邑一千戶品第一位在王公母

妻之上魚軒水□颺輕影于龍池翬服霞明下鮮文于

朱氏槐廬校刊

掖榮由德被位匪恩昇驟應佳名徒昭洪澤以顯慶  
五口于口轉拜榮夫尋改封鄧夫口自家疏槐里  
門荷椒庭累沐殊輝頻應茂典南鄰夜口奏鐘磬于高  
臺北里晨通列笙竽于廣榭門有躡珠之客家豐饌玉  
之厨恒處速而思勞每將昇而必降綠墀青瑣特忿王  
根火布金蛇深非梁冀謙撝之美萬口仰而知勤端潔  
之風九圍欽而取則智周寰宇識洞古今思所以匡口  
庇口濟時軌物嘉謨讜說屢發于神襟厚利豐功頻彰  
于帝念奉便削藁口莫能知每以孔光秘言合爲口之  
道山濤密啟得事口之要可久可大置黔首于生成惟  
幾惟深頓蒼元于覆口至若緣情體物屬事比辭取之

以義方先之以風化清詞海富縟藻雲繁凡所著述皆  
成典訓其動也方其靜也直其恩也若春雨之流津其  
威也若秋霜之應節接上以禮逮下以仁君子感其德  
小人懷其惠口機獨轉靈臺迴燭虛鑒與口口齊明神  
理共陰陽比奧洋洋乎不可得而稱也旣而離宮霧闢  
遙橫口乳之山別館口開上戴口眉之宿甘泉避暑方  
陪萬乘之遊景福追涼更扈六龍之駕不謂灾纏霧露  
痰積膏肓丹展凝慈召名醫而接軫紫霄流渥下彌藥  
而相望玉釜徒煎竟乏長生之術金丹莫就終無駐壽  
之期咸亨元口入口二口崩于九成宮之山第春秋九  
十有二上以身齊霄極禮闕晨昏戀隔九重望長筵

以口泣心馳五起瞻厚禱而含悲大帝慮不勝哀秘茲  
凶問苴筵欲對仍流不次之恩棗服將臨更下非常之  
澤仍改封衛夫以諭上之憂懸也后疾將大漸  
口落高春雅志無昏神情不撓影隨燈滅自此長辭魂  
逐香銷終無覓反以爲合葬非古禮貴從宜將追罔極  
之慈願在先塋之側上奉遵遺旨無忝徽音割同穴  
之芳規就循陔之懿躅卽以其口庚午閏九口辛丑朔  
廿一口辛酉遷座于雍州咸陽縣之洪瀆原鄭恭王舊  
塋之左禮也爾其原塋口林薄阡眠秦口關河迴接寶  
雞之埜漢家墳隴平依金狄之川松檟森沈何口鳥住  
風烟蕭索幾代口亡于是凝恨九泉廢朝三口空山露

泣痛結飛行曠野雲愁悲纏草樹乃下制贈魯口大夫  
諡曰忠烈仍令司刑太常伯盧承慶攝同文卿充  
監護大使右肅機皇甫公義等爲副賜東園秘器每事  
官供務從優厚仍令西臺侍郎道公戴至德持節弔  
祭京官文武九品以上及諸親命婦並赴宅弔哭仍送  
至渭橋葬事並依王禮給班劍四十羽葆鼓吹儀仗  
送至墓所往還官爲立碑親紆御札上因心轉切錫  
類方宏希申莫大之懷冀展飾終之請烏墳欲列思增  
茅土之儀鶴隴將崇願廣山河之誓遂得五雲飛彩墜  
仙液于松塋十口迴炎被曾輝于蒿里乃下制贈太原  
郡王妃餘如故所司備禮冊命大帝親御橫門開軒悲

哭紫宸哀痛黃屋淒涼□□爲之寢光烟雲由其輟色  
上以幽明永隔吧岫長辭終無再見之因鎮結千秋  
之恨奔曦已遠薦霜堇而無□逝水難追饋冰魚而未  
□又以嚴規早墜遠卜厝于鄉墳慈蔭重傾近陪親于  
京隴陵塋眇隔長懸兩□之悲關塞遙分每切百身之  
痛遂命大使備法物自吳陵迎魂歸于順陵焉遊冠遠  
降墜鳥遙遷方移沛邑之魂更啟橋山之域白雲朝起  
乍伴龍輶明□霄懸時低蠡衛文明元□ 上臨朝其  
年追尊先妃曰魏王妃食邑一萬戶實封加滿五千戶  
改咸陽園寢曰順義陵大名□啓奧壤□分古樹捎雲  
近對黑龍之水荒墳映□傍當作鄰丹鳳之城徽號旣

崇園陵□廣屬以圖書河洛龜負鳳銜窗闥方員雲攢  
霧矯合宮重屋旣布政而嚴禋玉輦金輿且巡河而拜  
洛永昌元 追尊先妃曰忠孝太后旣而謳歌允集獄  
訟知歸□垂革命之符□涌受終之錄元珪錫禹還逢  
揖讓之□黑玉歸商卽啓休明之運九莖仙草依漢殿  
而抽芳五色祥雲繞軒營而布彩下從□望上應□心  
乘寶位于通三建璠圖于得一黃琮蒼璧祀□□郊復  
廟重檐宗文祖武鴻名肇創光鳳闈于幽泉茂禮將加  
飾鸞闈于長夜 元 追尊曰孝明高皇后陵曰順  
陵復以祥分貝葉瑞演龍花金容開十□之圖玉相告  
三空之讖龍軒黯黯俄爲兜率之□鳳闕峒峒忽似須

彌之座金輪既轉玉鏡方懸式詮無上之文口顯崇觀  
之義長壽二后位之上又加無上兩字等又下制改  
順陵日望鳳臺東京故事西漢遺塵封樹空存追崇未  
廣豈若宸襟鎮結長懷露序之哀睿念恒纏永積霜旻  
之慕遙瞻鳳野式建嘉名遠望鶉郊長懸美稱且夫功  
成翼贊尚畫雲臺勩擅勳庸猶題麟閣况乎倪口茂德  
貫口殊禎垂母則于寰區口嬪風于邦口豈可使炎涼  
暗積陵谷潛移惟栽舞鶴之采不刻槃龍之石上疑  
懷萬化長想千齡恐口軸之西迴懼口關之北轉方圖  
琬琰式降絲綸永嗟仙鶴之歌用固靈龜之卜微口攀  
輝口樹沐潤口潢榮忝車職兼青史奉先追遠恒積慕

于丹誠相質披文忽承恩于紫誥是用恭抽弱思敬述  
洪猷屑瓦徒勤生金媿妙揮毫奪魄陳萬一而甯窮伏  
紙驚魂辭再三而不獲逡巡拜首乃作詞云

薄口邈矣上古悠哉厥口口迴紫府口轉黃輿陰陽蕩  
立帝口居諸靈龜負識寶鳳銜書其大位既陳三才乃

塗山皇鬱起后妃更襲蛟電遙疑虹口下入渭涘疏派

靈基是葺其明明高后奕奕輝苑白環代鬱丹轂家昌

早彰嶽峻曾派河長捫口集裕浴口開祥其爰自生育

卵非尊貴口出流青龍翠氣金屋是貯玉衣方萃燕

朝奇鷄珠甯異其芝蘭吐葉桃李開花黃雲白氣夜

晤口霞賢明自負仁孝無加曾霄降藥秘篋飛沙其聰

資惠財神與河漢靈匹瀟湘帝女筆動鸞迴絃調鶴舞

滌想金□□心寶聚其六仙容婉婉豔質峩峩□妃耻出

□媛羞過椒花入頌柳絮索歌詞峯秀嶽學海馳波其七

魴鯉成詩鳳凰開兆琴瑟既合室家斯紹兩鶴齊飛雙

龍並繞德行方肅言容是□其八九圍母則六合嬪風恩

留海內化被區中銀環曉上金□□祥開梓闕位冠

椒宮其九習禮明詩披圖閱史漢朝馬鄧周□姪當作姒

陰化聿宣坤儀□理貫□驚瑞驚雷送祉其十高春忽墜

上壽俄褰當作驚金丹不熟玉釜徒煎黃泉九□白□三

□六宮恨積萬□哀纏其十一寂寞邱隴淒涼原隰畢□

難追終□靡及肇露晨□□□急仗紙銜悲揮毫洒

泣怨□賢之同盡感昏明之遞襲紀盛德于豐碑冀神

猷兮永立其十二

長安二□歲次壬寅金□□己未朔五□癸酉金建

右武后革命時所立順陵碑首曰大周無上孝明高

皇后碑銘并序特進太子賓客監修 史上柱國梁

王 三思奉勅撰太子左奉裕率兼檢校安北大都

護相王 旦奉勅書

唐顏真卿蔡州書

真卿奉命來此事期未竟止緣忠勤無有旋意然中心

恨恨始終不改游于波濤宜得斯報千百年間察真卿

心者見此一事知我是行亦足達于時命耳

人心無路見時事只天知

右唐顏魯公書一通并畫像有題于書之上像之下者曰觀此筆蹟不顯歲月以事實攷之蓋使李希烈時也希烈以建中元年陷汝州盧杞建議遣公奉使至正元元年八月丙戌公不幸遇害因躡賊庭者逾二年刃加于頸而色不變度無還期誓不易節蓋書此以自表云重既摹公之像於蒲繪而祠之又訪得此石本狀貌老矣公以乾元元年自同徙蒲至奉使時垂三十年氣節不衰而狀貌非昔也乃刻石而寘之祠堂俾觀者有考焉靖康元年七月壬申朝散郎秘閣修撰知同州軍州事唐重書

唐褒封四子敕

敕門下吳穹眷命烈祖降靈休昭之儀存乎記典莊子列子文子庚桑子列在真仙體茲虛白師元元之聖教宏大道于人寰觀其微言究極精義比夫諸子諒絕等夷其莊子宜依舊號曰南華真人列子號曰沖虛真人文子號曰通元真人庚桑子號曰洞靈真人其四子所著書竝隨號稱爲真經宣布中外咸使聞知

天寶元年二月廿日

宋頒於莊子牒

中書門下 牒

莊子并釋文

牒奉敕莊叟元言理歸于沖漠郭象爲註義造於精微

既廣元風實資至治朕仰崇大道俯勸烝民言念此書  
盛行于世尚多踏駁已命校讎將永煥于縑緗宜特滋  
于雕口牒至准敕故牒

景德三年八月五日

右諫議大夫參知政事趙

兵部侍郎參知政事馮

工部尙書平章事王

唐李肇國史補曰天寶中天下屢言聖祖見因以四  
子列學官故有僞爲庚桑子者其辭鄙俚非聖賢書

劉汾詩

元談密授函關吏萬古終南一草樓陵谷依然人世換

冷煙叢柏臥青牛

劉汾

右說經臺之左有碑前爲孝子函谷度關圖元大德  
庚子刻後爲希聲堂碑八分書延祐二年朱象先撰  
而此詩則在碑之左傍亦八分書不著年月詳其風  
致當爲元人之作草樓之前傳有老子繫牛柏後人  
琢二石牛置下故末句云然

永壽王詩

隱隱樓臺雲外重一溪活水過仙宮上師已化青牛老  
萬木驚秋墜晚風

正德己卯仲秋下旬九日子蒙 聖上准奏容浴溫泉  
便道樓臺旣出乃登說經臺但經白鶴飛空蒼松夾道

予喜不勝又覩

欽差鎮陝劉內輔公佳製不揣僭鄙強和一絕以發一時之興耳永壽王題

後有印文曰永壽王章

漢曹全碑

君諱全字景完敦煌效穀人也其先蓋周之胄武王秉乾之機翦伐殷商既定爾勳福祿攸同封弟叔振鐸于曹國因氏焉秦漢之際曹參夾輔王室世宗廓土斥竟子孫遷于雍州之郊分止右扶風或在安定或處武都或居隴西或家敦煌枝分葉布所在爲雄君高祖父敏舉孝廉武威長史巴郡胸忍令張掖居延都尉曾祖父述孝廉謁者金城長史夏陽令蜀郡西部都尉祖父鳳

孝廉張掖屬國都尉丞右扶風隃麋侯相金城西部都尉北地太守父琫少貫名州郡不幸早世是以位不副德君童齒好學甄極恣緯無文不綜賢孝之性根生于心收養季祖母供事繼母先意承志存亡之敬禮無遺闕是以鄉人爲之諺曰重親致歡曹景完易世載德不隕其名及其從政清擬夷齊直慕史魚歷郡右職上計掾史仍辟涼州常爲治中別駕紀綱萬里朱紫不謬出典諸郡彈枉糾邪貪暴洗心同僚服德遠近憚威建甯二年舉孝廉除郎中拜西域戊部司馬時疏勒國王和德弒父篡位不供職貢君興師征討有吮膿之仁分醪之惠攻城野戰謀若涌泉威卒諸賁和德面縛歸死還

師振旅諸國禮遺且二百萬悉以簿官遷右扶風槐里令遭同產弟憂棄官續遇禁罔潛隱家巷七年光和大年復舉孝廉七年三月除郎中拜酒泉祿福長詆賊張角起兵幽冀兗豫荆揚同時並動而縣民郭家等復造逆亂燔燒城市萬民騷擾人裹不安三郡告急羽檄仍至于時聖主誥詛羣僚咸曰君哉轉拜郃陽令收合餘燼芟夷殘逆絕其本根遴訪故老商量僞艾王敞王畢等恤民之要存慰高年撫育鰥寡以家錢糴米粟賜癯盲大女桃斐等合七首藥神明膏親至離亭部吏王宰程橫等賦與有疾者咸蒙瘳快惠政之流甚于置郵百姓襁負反者如雲戢治廡屋市肆列陳風雨時節歲獲

豐年農夫織婦百工戴恩縣前以河平元年遭白茅谷水災害退于戊亥之間興造城郭是後舊姓及脩身之士官位不登君乃閔縉紳之徒不濟開南寺門承望華嶽鄉明而治庶使學者李儒欒規程寅等各獲人爵之報廓廣聽事官舍廷曹廊閣升降揖讓朝覲之階費不出民役不干時門下椽王敞錄事椽王畢主簿王厯戶曹椽秦尙功曹史王顓等嘉慕奚斯考甫之美乃共刊石紀功其辭曰

懿明后德義章貢王庭征鬼方威布烈安殊荒還師旅臨槐里感孔懷赴喪紀嗟逆賊燔城市特受命理殘圯芟不臣甯黔首繕官寺開南門闕峩峩望華山鄉明治

惠沾渥吏樂政民給足君高升極鼎足

中平二年十月丙辰造

宋神宗詩

賜彥博彥字上用  
御書之寶

四紀忠勞著三朝聞望隆亨茲難老祉報在不言功富  
矣勳彌大居焉貌甚冲西都舊士女白首踰瞻公

文潞公記

御賜詩記

元豐三季季秋 皇帝行大饗之禮于 明堂臣方守

魏被 召侍 祠大禮慶成後四日特蒙 制恩進位

太尉保釐洛郊臣犬馬之年七十有五前此累年章十

數上以求致仕 聖慈俯憐舊物曲念老臣皆未之

許令復優進公位 俾守別都自顧衰殘非敢當克俯

伏辭避至于再三訖不獲 命乃以閏月二十三日

陛辭翌日出 都仍錫宴于瓊林苑悉以二府大臣押

伴既又 臨遣中使 內出寶器 俾醕 天醴以極

魚藻之樂及賜 御詩以寵其行臣伏思蒙 厚恩荷

殊渥自近世逮 本朝來未有其比則有弼臣惇奉

詔作序事義詳矣臣雖窮極語言不能盡意惟知負

戴 天地生成之德感極而繼之以泣恭惟 陛下聰

明睿知煥乎有文 帝庸作歌光紹前典伏自 臨御

以來十有四載而英韶之運雲漢之章百執願聞萬物

思觀者久矣曾未之得夫何老臣首蒙 天賜至榮至  
幸超絕等倫始在 都門則已傳布于 宮省尋抵洛  
宅又得診示于吏民是用圖金刻石以永其傳將與夫  
日月並明 天地同久復使臣之子子孫孫相繼率  
勵保之守之亦克永世至于老臣爲不朽矣元豐四年  
正月三日河東節度管內觀察處置等使守太尉開府  
儀同三司太原尹判河南府事西京留守司公事兼畿  
內勸農使上柱國潞國公食邑二萬三千六百戶食實  
封一萬一百戶 臣 文彥博謹記

金玉庭筠詩

帝遣名山護此邦千家瑟瑟嵌西窗山僧乞與山前地

招客先開四十雙

四十字作冊四畝爲雙見輟耕錄

挂鏡臺西挂玉龍半山飛雪舞天風寒雲直上三千尺  
人道高歡避暑宮

王母祠東古佛堂人傳棟宇自隋唐年深寺廢無僧住

滿谷西風粟葉黃

手挂一條青玉杖真成日掛百錢游夕陽欲下山更好  
深林無人不可留

右在汾州府學宮凡四通其末云黃華老人王庭筠

行草四詩刻石于汾之學宮者殆五百年矣歲久石

泐字畫漫漶嘉靖乙丑之秋分守左參政餘姚宋公

岳省覽咨惜令州守王大經同知趙崇儒別礮石四

面以新安儒生程本模勒判官楊守公經理刻成仍  
增置一亭貯之庭筠書號稱墨妙幾廢之餘逢此翻  
繕煥若神明頓還舊觀矣郡人孔天徹謹記

志云黃華老人王庭筠字子瑞金大定十六年進士  
官至翰林修撰嘗買田林慮讀書黃華山寺因自號  
焉父遵古為汾州觀察判官省親至此行書詩石二  
面史稱書法學米元章端雅過之

司馬公祠堂詩

司馬晉州待制哀辭 太常博士通判延州軍州事馬

端

志古流難合談高道自明風波直恩分公為郡牧倅當曹之遷也人以

公始嘗堅辭其辟當自為辨公惻然謝曰今日正宜從其行也卒不以辨識者趨之公與之交必盡規讓始若不勝其言退則敦義彌篤讓節蒙知厚公在鳳翔日被簡之自是深華班絕綺榮公生平特立至為賤生懷感

遇當路假晶熒端辱公以八使累次青油幕端在益昌及岐下皆

預賓 中間白玉京吏文容議緩端在幕府每奉邦事恤

言輕戊寅年端輒奏疏論事公自此嗟流梗何期苦見

兵是歲別公出宰郾塞垣心易動漳浦信彌驚今春得

知公屬疾玉藥悲無驗金臺望忽傾歲闌雲慘淡天迴淚縱

橫世有真忠亮今亡至直清舊僚知葬日投此弔佳城  
嘉祐元年十月三十日著作佐郎管勾河東路機宜文

字雷憲書

右小石刻在夏縣司馬公祠堂西館中


謁司馬溫國公墓詩 并序

子到官之五日拜司馬溫國文正公墓顧瞻良久而  
有是詩實至元改元閏十二月既望也洞羊後學范  
庸頓首書

蒼蒼中條山悠悠涑河水哲人生其間而有司馬氏山  
水秀且明桑梓故鄉里宋朝入相時天下聞之喜通鑑  
一編書名分盡乎禮天地大是非以禮爲綱紀大哉君  
臣道逆順合條理遂令千載下驚懼良有以禹都鳴條  
岡邱墳峙高壘大儒世臣家何處孫與子我時來拜瞻  
昆仲沒荆杞考古詢寺僧懷賢心未已黨人仆其碑今

日果誰耻杏花蔭龜趺異事入青史細讀東坡銘文章  
剝袞美迴首悲風來商聲振林起大元至元四年四月  
九日餘慶禪院尊宿僧行選立石

右小石刻與馬端詩同嵌一壁



求古錄

